

Izjava OHR-a na konferenciji za medije međunarodnih organizacija u Banja Luci i Mostaru

Visoki predstavnik pozdravlja usvajanje Zakona o jedinstvenom Visokom sudskom i tužilačkom vijeću od strane Zastupničkog doma BiH

Visoki predstavnik, Paddy Ashdown, pozdravlja usvajanje Zakona o jedinstvenom Visokom sudskom i tužilačkom vijeću od strane Zastupničkog doma BiH.

“Želim čestitati Parlamentu BiH što je juče donio ključnu odluku kojom se jača vladavina prava u BiH i kojom se građanima ove zemlje daje profesionalno i nepristrano pravosuđe kakvo i zaslužuju. Jačanje pravosuđa usvajanjem zakona kojim se uspostavlja jedno Visoko sudsko i tužilačko vijeće jedan je od 16 uslova koje BiH mora ispuniti prije nego što Evropska komisija započne pregovore o Sporazumu o stabilizaciji i pridruživanju s BiH”, kazao je Visoki predstavnik. “Zastupnički dom BiH iskoristio je priliku da iskaže svoju predanost Evropi i vladavini prava u BiH. Činjenica da BiH vlasti istinski podržavaju temeljni princip neovisnog sudstva slobodnog od političkih i ostalih utjecaja pridonijet će obnavljanju povjerenja među građanima ove zemlje.”

Prema novom Zakonu, jedinstveno Visoko sudsko i tužilačko vijeće bit će odgovorno za saslušanja u disciplinskim postupcima protiv sudija i tužilaca, kao i za imenovanja na upražnjena sudačka radna mjesta. Međunarodna finansijska pomoć sudskom sistemu BiH također će zavisiti o radu Vijeća u skladu sa svojim mandatom.

Dom naroda BiH trebao bi razmatrati pitanje Zakona o jedinstvenom Visokom sudskom i tužilačkom vijeću 21. maja/svibnja. Visoki predstavnik očekuje od zastupnika da iskažu istu predanost Evropi i vladavini prava kao što su to učinile njihove kolege u Zastupničkom domu BiH.